



Pou Piblikasyon Imedya: 01/03/2022

GOUVÈNÈ KATHY HOCHUL

## GOUVÈNÈ HOCHUL ANONSE DE WIKENN EKSKISYON SOU MOTONÈJ GRATIS POU MWA MAS LA

*Imatrikilasyon pou chofè motonèj ki pa soti nan eta yo anile pou wikenn  
pwomosyon an*

### **4.2 milyon dola pou antretyen ak preparasyon santye motonèj toupatou atravè Eta New York**

Gouvènè Kathy Hochul te deziyen jodi a dat 5-6 ak 12-13 mas pou ekskisyon motonèj pou tout chofè motonèj ki pa soti nan eta a ak Kanadyen yo. Pandan wikenn pwomosyonèl sa yo, y ap soulve egzijans imatrikilasyon ki gen nan New York la pou pasyone motonèj ki imatrikile ak asire kòmsadwa ki pa soti nan eta a yo epi ki swete eksploré 16,898 kilomèt santye motonèj New York la. Gouvènè a te anonse tou y ap distribye jiska 4.2 milyon dola pou antretyen ak preparasyon santye motonèj bay patnè lokal yo atravè Eta New York.

"New York gen yon bote natirèl enkonparab pandan toulekat sezón li yo epi li ofri yon gran sistèm santye rekreyatif pou motonejis yo ka jwi peyizaj ivènal mayifik nou an," **Gouvènè Hochul te deklare.** "Eta New York fè patenarya ak gouvènman lokal yo ak klèb motonèj ki travay di pou kreye yon rezo motonèj eksepsyonèl. Lè nou ofri wikenn moto nèj gratis sa, n ap ede mete aksan sou santye nou yo a vizitè ki pa soti nan eta a epi ranfòse ekonomi touristik nou an nan nò eta a, pandan n ap bay Nouyòkè yo plis opòtinite pou eksploré eta yo."

Anplis pwomosyon sa, chofè motonèj Kanadyen ak sa yo ki pa soti nan eta a gen obligasyon pou imatrikile motonèj yo nan Eta New York avan yo franchi santye nan Eta yo, ki etann apati Hudson Valley pou rive nan North Country jiska Rejyon Lwès New York. Patisipan nan wikenn aktivite motonèj gratis la dwe ap kondui yon motonèj ki gen imatrikilasyon valid nan eta/Pwovens Kanadyen kote yo abite a epi yo dwe gen asirans ki aplikab konfòmeman a lwa eta/provens yo.

Ane sa, Wikenn Ekskisyon Motonèj Gratis la ranfòse enpòtans touris nan eta ak ekonomi lokal yo, ak angajman New York pou rekonstui sektè a apre pandemi an. Envitasyon bay chofè moto nèj ki pa soti nan eta a konplete inisyativ plizyè fasèt "Retounen ak Touris, Retounen ak Travay yo (Bring Back Tourism, Bring Back Jobs)"

Gouvènè a. Nan kòmansman mwa sa, I LOVE NY te lanse yon nouvo efò maketing mondal ki genyen ladan I piblisite touris peye nan mache etranje yo pou premye fwa. Anplis, enstriksyon ak zouti depistaj pou kalifikasyon pou de pwogram soulajman sektè touris yo ki bay yon total 125 milyon dola yo sipò yo disponib sou entènèt.

Eta New York ap distribye jiska 4.2 milyon dola pou antretyen sante Motonèj pou kominote lokal nan New York yo pandan sezon ivè sa. Se frè imatrikilasyon moto nèj Depatman Veyikil Motorize Eta (Department of Motor Vehicles, DMV) kolekte yo ki finanse pwogram sivansyon lokal yo epi yo fè depo frè sa yo nan Fon Developman ak Antretyen Santye Motonèj la (Snowmobile Trail Development and Maintenance Fund). Gouvènman konte ak minisipal yo ap distribiye sibvansyon an yo bay apeprè 230 klèb motonèj toupatou atravè eta a, epi yo pral responsab pou yo prepare ak antretni sante yo. Sibvansyon sante yo sipòte 16,898 kilomèt sante yo deziyen pou motonejis yo jwi an tout sekirite toupatou atravè eta a.

**Erik Kulleseid, ki se Komisè Biwo Pak, Rekreyasyon ak Prezèvasyon Istorik (Office of Parks, Recreation and Historic Preservation), te deklare**, "Eta New York gen tèlman anpil opsyon pou pasyone sezon ivè anplennè yo vin vizite Empire State la. Mwen rekonesan a gouvènman lokal yo ak klèv motonèj yo ki ede kenbe sistèm sante nou yo rete san danje epi byen antretni pou rezidan ak vizitè ki vle fè New York vin yon destinasyon ivènal yo."

**Vis Prezidan Empire State Development ak Direktè Egzekitif Touris la, Ross D. Levi, te deklare**, "Ekskisyon motonèj se yon bon mwayen pou eksperimente peyizaj pitorèsk ak erejyon sovaj ivè yo nan tout Eta New York. Avèk plizyè milye kilomèt sante, vizitè yo ka chwazi divès teren, ki lè yo konbine ak akomodasyon k ap envite ak manje delisye ak eksperyans bwasyon yo, ka fè yon eskapad ki rajeni moun. Wikenn Ekskisyon Motonèj la ofri bon opòtinite pou chofè motonèj yo vini fè pati antouyas ak bote natirèl Eta New York la."

**Komisè Depatman Veyikil ak Motè a, Mark J.F. Schroeder te deklare**, "Eta New York ak patnè lokal yo kenbe yon rezo sante pou motonèj ki bèl epi elaji ke nou kontan pou montre a zanmi ki pa soti nan eta nou yo. Mwen ankouraje treno yo pou pwofite de wikenn ekskisyon motonèj sa yo epi amize nan yon fason ki sekirize epi responsab."

**Dominic Jacangelo, ki se Direktè Egzekitif Asosiyasyon Motonèj Eta New York la (New York State Snowmobile Association), te deklare**, "Nou apresye ke Gouvènè Hochul konprann enpak ekonomik ekskisyon motonèj la nan ekonomi Eta New York, epi ke li vle envite lòt moun fè eksperyans etonan nan sistèm sante ke nou genyen nan Eta New York."

Kondisyon sante yo varye depandaman de kantite nèj ki tonbe ak lòt faktè ankò. Tchetke sitwèb klèb motonèj ki nan zòn ou yo pou w ka jwenn enfòmasyon sou kondisyon sante yo, ki gen ladan estati preparasyon yo. [Sítwèb](#) Asosiyasyon Motonèj Eta New York la gen enfòmasyon sou aktivite motonèj ak klèb motonèj yo. Kat jewografik rezo sante motonèj eta a disponib sou sitwèb Pak Eta New York la [isit la](#).

Ou ka jwenn yon gid sou ekskisyon motonèj I LOVE NY ki disponib nan eta a [isit la](#).

DMV ap raple motonejis New York la yo ke yo dwe renouvre imatrikilasyon motonèj yo chak ane. DMV pèmèt motonejis yo renouvre imatrikilasyon yo sou entènèt sou [sitwèb DMV a](#), pa lapòs oswa an pèsòn nan yon [biwo DMV](#). Imatrikilasyon motonèj la koute 100 dola, men li diminye a 45 dola si moun ki konn monte moto nèj lan se yon manm club moto nèj lokal la.

Moun ki pa Nouyòkè yo ki swete itilize yon motonèj nan Eta New York avan oswa apre wiken pwopmosyonèl sa yo ka itilize sèvis [Anrejistreman NYS pou Motonèj Andeyò Eta](#) pou yo jwenn yon anrejistreman pou 15 jou epi opere motonèj yo a isit la imedyatman. DMV pral voye yon anrejistreman pèmanan pa lapòs ba yo.

Pou w jwenn plis enfòmasyon sou aktivite motonèj yo, vizite [parks.ny.gov](#). Vizite sitwèb DEC a [isit la](#) pou w jwenn plis enfòmasyon sou aktivite motonèj sou tè eta a yo.

###

Lòt nouvèl disponib sou sit [www.governor.ny.gov](#)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418

[ANILE ENSKRIPSYON OU](#)